

## **Hoe kan dat da**

Ik heb 't al zoelang, ik begriep 't neet  
gen idee wurrum, woaran 't leet  
ik heb de latste tied 'n raar humeur  
ik zij in elke daag 'n nijje kleur  
ik zij in elke meid 'n moeie vrouw  
ik denk al dagelang: 'hoe kan dat nou?'

okee, 't hof neet altied herfst te zien  
't hof neet altied somber en allien  
ik wil neet altied grieze, grauwe lucht  
beslage rame en op de vlucht  
ik haj inens goj zin, 't gebeurt ni gauw  
ik denk al dagelang: 'hoe kan dat nou?'

ik haj 't miestal an 't end van enne moeie daag  
als de winter als 'n deake oaver Limburg laag  
of 't onwear dat blieft hange an de andere kant  
op 'n plein onder de beum in 'n ander land  
midde in de nacht, dan weer oaverdaag  
als enne donderslaag, ach hoe kan dat nou?

of deep in bed mit 'n werme kroek  
de ierste zon op miene boek  
dit geveul waas ik al zolang kwiet  
ik wet ni hoe dit werkt, hoe of dit giet  
en d'n ochtenddauw brengt lucht zo blauw  
ik denk al dagelang: 'hoe kan dat nou?'

[Tekst en muziek: Jack Poels]

[cd 'Dageraad', V2 Records 2003]